

大德重校聖濟總錄卷第一百七十七



小兒門

小兒骨蒸

小兒痰實

小兒客忤

小兒中惡

小兒中蠱

小兒尸注

小兒胎寒



小兒骨蒸

論曰水為陰火為陽水者精氣也火者陽氣也小兒精氣未盛體性多熱若衣裘傷厚過食熱物或患時氣大病之後重亡津液陽氣偏盛水不勝火府藏積熱熏灼肌體甚則消鑠骨髓是為骨熱之病久不已變成骨蒸也

治小兒十五歲已下骨蒸熱勞盜汗體熱欬嗽煩躁發渴長肌肉退熱桃人青蒿煎丸方

桃人

湯浸去皮麝香研壹分

苳胡

去苗

丹砂

研

紫苑

去苗

鼈甲

去裙襴醋炙各壹兩

右六味除麝香丹砂外並搗羅為末共研勻用青蒿汁童子小便生地黃汁各一盞於銀石器內熬汁入藥末一半慢火再熬攪得所餘藥末盡和勻杵三二百下丸如菉豆大每服五七丸至十丸空心食前煎陳粟米飲下日三服

治小兒不生肌膚羸瘦骨熱小便黃赤麥門冬丸方

麥門冬去心焙 人參

黃耆剉

青蒿子

黃連去須

桑根白皮剉

地骨皮

枳殼去穰炒 此胡去苗

右九味搗羅為末鍊蜜丸如菉豆大每服五丸至七

丸溫熱水下量兒大小加減

治小兒骨熱生風龍膽丸方

龍膽兩

熊膽研壹分

馬牙消研

朴消研

山梔子皮去

玄參

人參

枳殼去穰炒

此胡去苗

當歸焙

陳橘皮去白焙 麝香研半

沉香半兩

甘草剉 赤茯苓去黑皮

右一十五味除研外搗羅為末共研勻鍊蜜丸如梧

桐子大一歲一丸溫水化下

治小兒骨熱日晚發熱面赤五心煩躁四肢無力飲食

減少夜多盜汗面色萎黃犀角湯方

犀角鎊

此胡去苗

枳殼去瓤炒

麥門冬去心焙

赤茯苓去黑皮

芍藥

大黃炒

桑根白皮剉

黃耆剉

人參各壹分

鼈甲去裙爛醋炙半兩

右一十一味麤搗篩每一錢匕水一盞入桃人七枚

去皮尖漿水煮過麥門冬四十九粒去心煎至七分

去滓分溫三服食後臨臥

治小兒潮熱骨蒸羸瘦久嗽欬喘犀角湯方

生犀角鎊半兩

此胡去苗

秦艽去苗土各壹兩

白木

人參

赤茯苓去黑皮

木香各半兩

甘草炙壹分

右八味麤搗篩每服一錢匕水七分一盞入小麥三

七粒同煎至六分去滓溫服日三

治小兒肌瘦五心潮熱解骨熱長肌肉益氣保童丸方

丹砂研壹分

大黃炒

赤芍藥

梔子人各半兩

知母切焙

鼈甲去裙爛醋炙各壹兩

人參

胡黃連各半兩

右八味除研外搗為細末入丹砂同研浸蒸餅為丸

如小菴豆大每服五九至十九溫蜜湯或人參湯下

治小兒骨熱勞疾面黃肌瘦發熱夜臥有汗胡黃連丸方

胡黃連

夜明砂

五靈脂各半兩

芫胡壹兩

麝香研半錢

蠶甲去裙兩錢炙

人參各半兩

右七味搗羅為末用豬膽汁煮麩糊丸如菉豆大每服十九至十五丸米飲下不拘時

治小兒骨熱皮膚生瘡肌體瘦弱身熱連翹湯方

連翹

山梔子去皮

甘草炙

黃芩去黑心

秦沈去苗

防風去

麥門冬去心焙 知母焙

荆芥穗各半兩

右九味搗篩每服一錢匕水七分煎至四分去滓

食後臨臥溫服

治小兒骨蒸潮熱瘦瘵頰赤煩躁盜汗食不生肌病後餘毒久不解羚羊角湯方

羚羊角鎊

地骨皮

秦艽去苗

麥門冬去心

枳殼去穢炒

大黃炒

芫胡去

赤茯苓去黑皮

芍藥

桑根白皮剉

黃耆剉

人參

龍甲去殼兩錢

右一十三味麤搗篩每服一錢匕水一盞入青蒿少許煎至六分去滓食後溫服量兒大小加減

治小兒骨熱十五歲以下骨蒸熱勞偏身如火日漸黃瘦夜臥多汗欬煩渴丹砂丸方

丹砂貳兩飛研

苾胡去苗為末肆兩

右二味研勻用積豬膽汁拌和飯甑上蒸一次候冷

丸如菉豆大每服十九用桃人烏梅煎湯下日三服

小兒痰實

論曰小兒乳食不下吐涎沫而微壯熱者痰實也此因乳哺冷熱不調停積胸膈或水飲留滯氣不升降致令

痰熱壅滯肚熱煩悶心神不寧不差則變驚癇之病

治小兒痰實壯熱頭痛石膏湯方

石膏

別搗研壹兩壹分

大黃剉炒壹兩半

苾胡去苗壹兩壹分

升麻

知母焙

黃芩去黑心

芍藥

枳實

去瓢燒炒各參分

甘草炙壹兩半

大青兩半

右一十味麤搗篩每二錢匕水一盞人生薑少許同煎至六分去滓分溫三服量大小加減

治小兒八歲已上熱結痰實不能食大黃湯方

大黃剉炒壹兩

苾胡去苗

升麻

黃芩

主黑

知母

焙

芍藥

梔子人

各分

枳實

去瓤炒

細辛

去苗葉

右九味麤搗篩每二錢匕水一盞入竹葉十片同煎至六分去滓分溫三服早晚各一量兒大小加減

治小兒痰壅結實陳橘皮湯方

陳橘皮

湯浸去白

升麻

壹分

桑根白皮

剉

麥門冬

去心焙

前胡

去蘆

大黃

剉炒各壹分

右六味麤搗篩每服一錢匕水半盞煎至三分去滓溫服食後日三量兒大小加減

治小兒百日已來痰實此胡湯方

芫胡

去苗

當歸

切焙

赤茯苓

去黑皮

大黃

剉炒各半兩

甘草

炙壹分

右五味麤搗篩每一錢匕水半盞煎至三分去滓分溫三服早晚各一量兒大小以意加減

治小兒百日已來痰實壯熱兼驚龍齒湯方

龍齒

大黃

剉炒各壹分

枳殼

大者壹枚去瓤炒黃

朴消

甘草

炙到各壹分

右五味麤搗篩每服一錢匕水半盞煎至三分去滓食前溫服日二量兒大小加減

治小兒百日已來痰實人參飲方

人參

半兩

赤芍藥

壹分

右二味麤搗篩每一錢匕水半盞入生薑一片同煎至三分去滓分溫三服量兒大小加減

治小兒痰實壯熱茯苓湯方

赤茯苓

去黑皮

人參

黃芩

去黑心

大黃

剉炒各半兩

右四味麤搗篩八九歲兒每服二錢匕水一盞煎至半盞去滓溫服日再更量兒大小加減

治小兒痰壅結實四通湯方

桔梗

炒

大黃

剉炒各半兩

陳橘皮

湯浸去白焙

紫苑

去苗土各壹分

右四味麤搗篩每服一錢匕水八分煎至四分去滓食後溫服日再更量兒大小加減

小兒客忤

論曰小兒無故吐下青黃赤白色水穀解離腹痛天矯反倒面變五色其狀似癩但眼不上戴者名曰客忤此由小兒血氣未充精神未定忽見非常之物或見未識之人或爲異類觸犯暴然發作故名客忤診其脉弦急數者忤也若乳母醉後及房勞喘困氣乏卽便乳兒最

爲切忌劇則不可救矣

治小兒客忤卒痛及氣滿常腹痛麝香湯方

半夏湯洗拾編黃耆各壹兩

甘草炒

乾薑炮

桂去麤皮各半兩

右五味麝搗篩一二歲兒每一錢匕水七分煎至四

分去滓內麝香少許分溫二服不拘時候更隨兒大

小加減

治小兒客忤吐利白石脂湯方

白石脂壹兩

蜀漆半兩

附子炮裂去皮臍壹分

牡蠣煨壹兩

右四味剉如麻豆一二歲兒每一錢匕水七分煎至

四分去滓分溫二服空心午後更量兒大小加減

治小兒客忤驚啼壯熱犀角散方

犀角鎊

麥門冬去心焙

鈎藤

丹砂研各壹分

牛黃研半

麝香研參大豆許

右六味搗研爲散每服半錢匕煎金銀湯調下不計

時候

治小兒客忤腹滿痛大便不通人參湯方

人參

龍膽

鈎藤

芫胡苗去

黃芩去心

桔梗炒

赤芍藥

茯神木

當歸切焙各半兩

蜆蛎去足炙

大黃剉炒

右一十一味麤搗篩每一錢匕水一盞煎至五分去

滓分溫二服更量兒大小加減

治小兒客忤驚啼方

牛黃末壹字

豬乳壹兩許

右二味相和漸漸滴兒口中

治小兒卒忤躓啼腹堅滿雀屎丸方

雀屎壹兩壹分

當歸切焙半兩

右二味搗羅爲末鍊蜜丸如麻子大五十日兒每服

一丸以爛汁下空心午後服更量兒大小加減

治小兒中忤欲死心腹痛雄黃散方

雄黃

麝香各壹分

右二味剉研爲散周晬兒每服一字用刺雞冠血調

灌之空心午後服更量兒大小加減

治小兒客忤驚邪鬼魅安神犀角丸方

犀角燒

車前子

白茯苓去黑皮

人參各半兩

雄黃研壹兩

右五味搗研爲末取桃白皮十兩桃符十兩水三升

煎一升去滓煎成膏和前藥丸如麻子大每服三丸

桃柳湯下

治小兒中客忤吐青白沫及食飲皆出腹中痛氣欲絕

桂參湯方

桂去麤皮

人參壹分

右二味麤搗篩一二百日兒每半錢匕水半盞煎至三分去滓分溫三服兒大以意增之

治小兒卒中客忤驚啼大叫伏龍肝膏方

伏龍肝研貳兩

雞子壹殼

地龍糞研壹兩

右三味相和研勻或乾更入少水調如膏先用桃柳湯浴兒後將藥塗兒五心及頂門上

治小兒中客忤吐青白沫及食飲皆出腹中痛氣欲絕
桂枝湯方

桂去麤皮

右一味麤搗篩一二百日兒每半錢匕以水半盞煎至三分去滓分溫三服空心午後更量兒大小加減

治客忤桂湯塗之方

右取桂濃煎去滓塗兒五心常令濕

治小兒卒客忤銅鑑鼻飲方

銅鑑鼻

右一味燒令赤淬酒中以酒少許灌兒若兒小未能

飲者令舍之亦愈

治小兒客忤浴方

右取馬糞三升燒令煙絕以酒煎三五沸去滓溫

浴兒即愈

治小兒客忤壯熱浴方

右取李葉煎湯去滓溫溫洗浴兒差量與大小心減

治小兒被客氣忤犯狀似驚癇但眼不戴上耳後脉急

數龍膽飲方

龍膽

釣藤剉

茈胡去苗

黃芩去黑心

桔梗剉

赤芍藥

夜神去木各

蜣蜋貳枚炙去足頭甲

大黃蒸參度炒壹兩

右九味錘搗篩每服二錢匕水一小盞煎取四分量

兒大小加減分數服

治小兒客忤吐沫如癩方

右青錢十四文以水一斗五升煎取一斗浴兒立差

小兒中惡

論曰小兒無故卒然心腹刺痛悶亂欲絕者中惡也由

兒陰陽氣血不調神守不强故鬼毒惡氣得以中之凡

腹大而滿脉緊大而浮者死緊細而微者生若餘勢久

留再發則變為注

治小兒中惡心腹卒痛鬼箭羽湯方

鬼箭羽兩半

眞珠末壹分

羚羊角鎊

桔梗炒

朴消細研

升麻

芍藥

茈胡壹兩各

桃人參拾枚去雙人皮尖燹炒

黃芩去黑心

大黃剉

鬼白各壹兩半

右一十二味麻搗篩一二歲兒每一錢匕以水一小

盞煎至六分去滓分溫二服空心午後各一服量兒

大小以意加減

治小兒中惡心痛辟邪氣雄黃丸方

雄黃研

眞珠研各兩

麝香研半錢

牛黃如棗大研

巴豆肆拾枚去皮膜心研去油盡

大棗拾肆枚蒸熟去皮核研膏

右六味除棗外同研爲末入棗膏和少許蜜塗白中

搗一千杵丸如粟米大二歲兒每服三九薄荷湯

下空心午後各一服量兒大小以意加減

治小兒中惡心腹堅脹痛顏色青黑大便不通芍藥湯

方

芍藥

桔梗炒

桃人柒枚去皮尖雙人炒

黃芩去黑心

茈胡壹兩

升麻各壹兩

大黃剉兩

鬼白壹兩

甘草炙兩

杏人 肆拾枝湯浸去皮尖雙人炒

麝香 半錢研

右一十一味內十味麤搗篩入麝香和勻一二歲兒每一錢匕以水一小盞煎至六分去滓分溫二服空心午後各一服以利為度隨兒大小加減

小兒中蠱

論曰人有聚毒蟲為蠱者隨飲食入腹能變感食人五藏小兒時有中之者遂心腹刺痛懊悶急者即死緩者涉歷年月漸至羸困若注易傍人則為蠱注之病治小兒中蠱毒腹內堅如石面目青黃小便淋瀝變易無常殺羊角湯方

殺羊角 屑

蘘荷 各壹兩

梔子 八枚

黃連 壹兩

赤芍藥

牡丹皮 各壹兩

犀角 屑半兩

右七味麤搗篩每二錢匕水一小盞煎至六分去滓分溫二服日三吏量兒大小加減

治小兒初中蠱毒升麻湯方

升麻

桔梗 炒

栝樓根 各半兩

右三味麤搗篩每服一錢匕水半盞煎至三分去滓溫服日三量兒大小加減

治小兒中蠱腹內堅痛鼓皮湯方

敗鼓皮

參分炙
令黃到

蕤荷根

各壹兩

右三味麤搗篩每二錢匕以水一盞煎至六分去滓
分溫二服日三更量兒大小加減

治小兒飛蠱狀如鬼氣雄黃散方

雄黃

研

犀角

傍搗爲細末各半兩

右三味同研令勻每服以溫水調下半錢匕日四服
更量兒大小加減

治小兒五種蠱毒比聖湯方

馬兜零根

右一味麤搗篩每服二錢匕水一小盞煎至五分去

滓空腹頓服當時隨吐蟲出未快吐再服

又方

敗鼓皮

壹片
燒灰

右一味細研如粉空心粥飲調服一錢匕須臾病兒
呼蟲主姓名病卽愈

又方

薺苳

壹兩

右一味搗羅爲末以粥飲調下一錢匕更量兒大小

加減

治小兒中蠱毒腹內堅痛面目青黃羸瘦骨立病變無

常神功散方

桃上寄生兩

右一味搗羅爲散每服半錢匕如茶點服日三

又方

麝香

右一味研細每服一字匕空腹溫水調下卽吐出蟲
毒未効再服

治小兒中蠱危急再造湯方

甘草半兩
生剉

右一味麤搗篩水一中盞煎至五分去滓分溫二服

當吐蠱出若預防蠱者宜熟炙甘草煮汁服之卽內
消不吐神効

小兒尸注

論曰人有三尸能爲人患無間老幼但精神衰弱氣血
不足者率多被害小兒血氣未具精神未全因有尸注
之病其狀沉沉默默不的知病之所苦或寒或熱彌引
歲月遂至於死死後注易傍人故名尸注
治小兒尸注及中惡諸病犀角散方

犀角鎊

升麻

木香

檳榔剉

桑根白皮剉

大黃剉炒各
半兩

桃人湯浸去皮尖雙炒研貳朶攷

麝香細研青錢

右八味搗研為散每服半錢匕溫水調下日四五服
更量兒大小加減

治小兒尸注心腹滿脹疼痛不可忍木香湯方

木香

鬼箭羽

桔梗炒

當歸炒

紫蘇莖葉

檳榔剉各半兩

右六味麤搗篩每服一錢匕水七分生薑二片煎至四分去滓不拘時溫服更量兒大小加減

治小兒注病諸蟲魅精氣入腹刺痛黃瘦雄黃丸方

雄黃研如粉

雌黃研如粉各壹兩

丹砂研如粉半兩

麝香研半錢

白頭翁去苗

徐長卿各壹分

羚羊角炒

大黃剉炒各壹兩壹分

右八味搗研為末以青羊脂鍊過和丸如麻子大一
二歲兒每服三九熱水下空心午後各一服更隨兒
大小加減

治小兒客忤霍亂腹痛脹滿若尸注惡風癩狂鬼祟蟲
毒妖魅溫瘧無所不治太一精神丸方

丹砂研

曾青研

雄黃研

雌黃研

磁石煨醋淬參兩搗研各肆兩

金牙研貳兩半

石六味各研羅爲末先將丹砂等五味用醞醋漬之
唯曾青用好酒銅器中漬以紙密封頭日中暴經夏
急待用亦須五日無日以火煖之其丹砂等五味日
數亦然各研如粉以醞醋拌令乾濕得所內土釜中
以六一泥固濟令密候泥乾然後安鐵環施脚高一
尺五寸置釜於環上初取熟炭火兩枝各長四寸置
於釜下待三分消盡二分更加熟火兩枝如此三度
然後用生炭燒增之漸多乃至一復時火近釜底卽
使滿其釜下炭經兩度卽罷待火盡極冷然後出之
其藥精飛化凝著上釜光明皎潔如雪者最佳若飛

上不盡更合與火如前以雄雞翼掃取多少不定和
以棗肉丸如黍米大平旦空腹服一九又常以絳囊
帶之男左女右小兒繫頭上辟瘴毒惡氣射工小兒
患可以苦酒和之塗方寸紙貼臍心腹上亦有已死
者冬二日夏一日與藥得下便活若服藥悶亂可煮
防已湯飲之則定兼治大風惡癩偏風風癩歷節鬼
擊痲瘧小兒驚忤不能乳哺癰疽痔瘻腹內積冷婦
人產死未經宿狂狗所噬丁腫蟻蟲寸白惡腫邪鬼
精妖并去一切惡

治小兒尸注鬼擊驚癩魍魎三十六種無辜天行急黃

保童丸方

牛黃 研

麝香 研

甘草 炙

真珠末 各壹分

丹砂 研水

杏仁 湯浸去皮尖

赤芍藥

赤茯苓 去黑皮虎睛酒浸炙

甘遂 炮半

巴豆 伍枚去皮心膜研

右十一味搗研為末和勻鍊蜜丸如麻子大三四

歲每服二九荆芥湯下更量兒大小加減

治小兒尸注邪氣入腹疔痛立効散方

雄黃 細碎壹分

梔子人拾

赤芍藥 半

右三味壽羅二味為末入雄黃研勻每服半錢匕溫

水調下更量兒大小加減

治小兒尸注勞瘦或時寒熱鬼白丸方

鬼白 羊毛

升麻 參

麝香 細研壹錢

芫胡 去苗壹兩

右四味壽羅三味為末入麝香研勻鍊蜜和丸如棗

豆大每服十九煖酒下日三更量兒大小加減

治小兒尸注竈煤散方

竈突中煤 參指鹽少

右二味同研為散一二歲兒每服半錢匕熱水調下

空心午後各一服更隨兒大小加減

治小兒尸注鬼癩心腹往來疼痛或加寒熱恍惚形色
多般桃人散方

桃人貳柒枚湯浸去
皮尖雙入麩炒

木香

人參

桂去麩
皮

虎頭骨麩

攢椰剉

京三稜煨

麝香研

芥子炒各

款冬花

丹砂研水
飛

乾桃柳葉各半
兩

右一十三味搗研爲散每服半錢匕溫水調下更量

兒大小加減

治小兒尸注勞瘦或時寒熱桃人湯方

桃人

貳拾枚湯浸去
皮尖雙人生研

右一味以水一盞煎至五分去滓量兒大小分減與

服以吐爲効如不吐卽非注也

治小兒尸注鼈頭散方

鼈頭壹枚
燒灰

右一味細研爲散每服半錢匕新汲水調下

小兒胎寒

論曰小兒胎寒之病本於在胎時稟受不足或犯寒冷
既生之後府藏又怯乳哺不化或脹或利顏色青葩甚
則邪冷與正氣相搏令兒腹痛軀張蹙氣而啼是爲胎

寒之病

治小兒胎寒軀啼腹中痛舌上青黑蜀椒丸方

蜀椒去目及閉口者
炒出汗壹分

當歸切焙

吳茱萸湯浸焙乾
炒半分

狼毒剉炒

細辛去苗葉
參分 乾薑炮壹分

巴豆拾枚去心膜
研細紙裏出

油盡 豉炒貳合

附子炮裂去皮
參分

右九味將八味搗羅爲末以巴豆一處同研令勻鍊蜜和丸一月兒服如黍米大一丸早晨晚後各一服一歲兒兩丸三歲至五歲兒服五丸並用米飲下更量身大小加減

治小兒胎寒腹中疔痛黃耆湯方

黃耆切焙 人參

芍藥各壹兩半

當歸切焙 甘草壹

芎藭各壹兩

右六味麤搗篩每二錢匕以水一小盞生薑二片煎至五分去滓分溫三服早晨日午近晚各一

治小兒胎寒腹痛軀啼下利理中丸方

人參 乾薑炮 白朮

甘草炙等

右四味搗羅爲末鍊蜜爲丸如彈丸大每一丸水一盞入大棗一枚擘破同煎至半盞分溫三服或以薑

棗湯化下

治小兒胎寒聚唾弄舌軀啼反張怒驚當歸散方

當歸切焙

黃耆剉

細辛去苗

黃芩心去黑

龍骨燒

桂去麩

芍藥各壹兩

右七味搗羅爲散每服一字匕或半錢匕乳汁調下

早晨日午近晚各一量兒大小加減

治小兒胎寒軀啼溫中止痛逐痛丸方

雀屎壹分

牛黃剉

芍藥

芎藭各半兩

當歸切焙

右五味搗羅爲末鍊蜜和丸麻子大百日兒每服一

丸乳汁下早晨日午近晚各一量兒大小加減

治小兒胎寒軀啼驚癩虛脹不嗜食大便青或夾膿并

治諸癩證當歸丸方

當歸半兩切焙

蜀椒去目及閉口者炒出汗壹分

附子

青放炮裂去皮臍

杏仁拾貳枚湯浸去皮尖雙人皮炒

狼毒剉炒

巴豆貳拾枚去皮心研爛出油盡

豉炒

細辛去苗葉各壹分

右八味搗羅爲末鍊蜜和杵以瓷器盛之每用旋丸未滿百日兒服如麻子大一丸溫水下一二歲兒二

九早晨只一服更量兒大小加減以利爲度

治小兒胎寒大便青不欲食芍藥丸方

芍藥

當歸焙切

芍藥

人參各參分

甘草炙壹兩

右五味搗羅爲末鍊蜜和丸如麻子大每服一丸以

乳汁下早晨日午近晚各一量兒大小加減

治小兒胎寒腹痛軀啼芍藥湯方

芍藥

當歸焙切

黃耆剉焙各兩

乾薑炮

甘草炙

黃芩去黑心各半兩

右六味麤搗篩每一錢匕以水一小盞煎至五分去

滓分溫二服早晨日晚各一量兒大小加減

治小兒胎寒腹痛大便青芍藥丸方

芍藥

黃耆各參分

牛黃研壹分

麝香炙半兩

麝香研壹錢

當歸焙切

芍藥各半兩

右七味搗羅爲末鍊蜜和丸如麻子大每服兩丸至

三丸米飲下早晨晚間各一量兒大小加減

治小兒五十日以來胎寒腹痛微熱聚唾弄舌軀啼上

視當歸酒方

當歸切焙壹分

豬肉壹兩薄切小片

右二味相和以清酒一椀煮至七分去滓每服取半
呷許令兒噉之日三夜一量兒大小加減
治小兒胎寒腹痛汗出衣中白魚摩方

衣中白魚

貳茶
枚

右一味以薄熟絹包裹於兒腹上回轉摩之

大德重校聖濟總錄卷第一百七十七

大德重校聖濟總錄卷第一百七十八

小兒門

小兒冷痢

小兒熱痢

小兒赤白痢

小兒血痢

小兒膿血痢

小兒蠱毒痢

小兒冷痢

論曰凡痢皆由乳食不節傷動胃氣腸胃虛弱清濁不分因虛而泄滯久不散故為痢也虛而冷者則所下青白或如凝脂久不差則陳寒結痼或下黑瘀診其脉沉而遲者冷痢也

治小兒五歲已下百日已上冷痢龍骨飲方

龍骨

黃連去須各壹兩半

人參

甘草炙剉

乾薑炮裂

半夏湯洗拾福燥乾

厚朴

去蘊皮生薑汁炙剉赤石脂各壹兩

右八味麤搗篩一歲兒每一錢匕水半盞入棗一枚

擊破同煎至三分去滓分溫二服空心午後各一服
量兒大小以意加減

治小兒秋後大腸挾冷下痢不止訶梨勒散方

訶梨勒根去核 肉豆蔻去殼 當歸切

赤石脂 蜜陀僧別研 枳殼去麩

龍骨 乾薑炮 厚朴去麩皮薑汁

右九味搗羅為散一二歲兒每服半錢匕米飲調空

心午後各一服更量兒大小以意加之

治小兒下痢白膿黃者湯方

黃耆剉 芎藭 乾薑炮

人參 黃芩去黑 當歸切

甘草炙各 桂去麩皮

石八味麤搗篩一歲兒每一錢匕水半煮同煎至三

分去滓分溫二服空心日晚各一服量兒大小以意

加減

治小兒冷痢心腹脹滿乾嘔不止陳橘皮湯方

陳橘皮湯浸去白 人參壹分

甘草炙半

右三味麤搗篩一歲兒每一錢匕水半煮生薑二片

同煎至三分去滓分溫三服食前日再隨兒大小以

意增減

治小兒虛冷藏府滑泄不止白丸子方

硫黃半兩
研

附子炮裂去皮
取未秤半兩

消石研

鍾乳研

白龍骨研

寒食麩各壹
分

右六味同研令勻細麩糊丸如麻子大每服三五丸
量兒大小加減粥飲下疾愈即止

治小兒冷痢腹痛艾香散方

艾葉炒

木香

黃連去須各
半兩

龍骨研

訶梨勒煨取
皮

當歸切焙各
參分

乾薑炮裂
壹分

右七味搗研為散每服半錢匕米飲調下食前服

治小兒秋深冷痢止腹痛蜀椒丸方

蜀椒去目及明口者
炒汗出壹兩

乾薑炮裂
壹分

右二味搗羅為末鍊蜜和丸小豆大一歲兒空心麩

湯下五丸未止日午再服量兒大小以意加減

治小兒冷痢白膿臍下絞刺痛木香丸方

木香壹兩

訶梨勒煨去核
壹兩

右二味搗羅為末以粳米飯和為丸如麻子大一二
歲兒三九五歲兒五九米飲下食前服

治小兒白痢人參湯方

人參試兩

厚朴去鹽皮生薑汁各壹兩

甘草炙壹兩

白茯苓去黑皮壹兩壹分

樗皮炙貳兩

桔梗妙壹兩壹分

右六味麤搗篩一二歲兒每一錢匕水半盞煎至三分去滓分溫二服乳食前量兒大小以意加減

治小兒冷痢訶梨勒丸方

訶梨勒煨去核中兩

桂去鹽皮壹分

赤石脂半兩

右三味搗羅為末鍊蜜和丸更入白中搗三五百杵丸如麻子大一二歲兒三九三四歲兒五九空心午

後各一服米飲下

治小兒白痢阿膠飲方

阿膠炙令燥壹兩壹分

黃芩去黑心壹兩

黃連去須半兩

右三味麤搗篩一二歲兒每一錢匕水半盞煎至三分去滓分溫二服空心日晚各一服量兒大小以意

增減

治小兒冷痢白膿茯苓飲方

白茯苓去黑皮壹兩壹分

人參壹兩半

厚朴去鹽皮生薑汁炙到壹兩半

桔梗妙壹兩

樗皮炙壹兩

右五味麤搗篩每一錢匕水半盞煎至三分去滓分
溫二服食前日二量兒大小以意增減

治小兒下痢色白小便赤調中人參飲方

人參

龍骨壹兩

厚朴去麤皮生薑汁炙到壹分

當歸炮切

乾薑炮裂

白茯苓去黑皮

甘草炙各壹兩

右七味麤搗篩一二歲兒每一錢匕水半盞煎至三分去滓分溫二服空心日晚各一量兒大小以意加減

治小兒冷痢腹痛龍骨湯方

龍骨

甘草炙

黃連去須各壹兩

乾薑炮裂

當歸炮切各壹分

右五味麤搗篩一歲兒每半錢匕水半盞煎至三分去滓分溫二服日再量兒大小以意加減米泔煎下

治小兒冷痢當歸湯方

當歸炮切

黃連須去須各壹分

赤石脂出相類

乾薑炮裂

龍骨

酸石榴皮炙

厚朴去麤皮生薑汁炙各壹分

當歸炮切

黃連去須各壹分

右七味麤搗篩每一錢匕水一盞煎至五分去滓分

溫二服食前日一量兒大小以意加減取錢部刺寒

治小兒腸胃虛弱清濁不分痢下青白或如凝脂陳寒
痢冷或下黑瘀豆蔻散方

肉豆蔻 去殼壹枚

縮沙 壹枚

訶梨勒 參枚

鉛丹 炒

胡粉 炒

龍骨 各貳

白礬 壹分

天仙子

壹分與白礬和令勻入在椀中子內合定用麻線纏

定炭火內燒黑存性細研

右八味搗研為散再研令勻每服半錢匕米飲調下

乳食前服

治小兒冷痢心腹痛悶不美乳食嘔逆不止丁香丸方

丁香

硫黃

胡椒

桂 去麝皮各壹錢

陳橘皮 去白焙

附子 炮裂去皮臍各壹分

肉豆蔻 去殼壹枚

右七味搗羅為細末用生薑汁煮麩糊和丸如菉豆大每服五丸生薑艾湯下每食前服量兒大小加減

服

治小兒脾胃虛弱清濁不分因成冷痢其色青白甚則色黑厚朴丸方

厚朴 去麝皮生薑汁製多黃色壹兩

肉豆蔻 麩裏炮裂壹兩

訶梨勒 參枚麩裏炮用皮

龍骨 半

木香 壹兩

右五味搗羅爲細末水浸炊餅心和丸如麻子大一
二歲兒每服十九溫米飲下日三服

治小兒冷痢便下青白或如凝脂或下瘀黑厚朴湯方

厚朴去蟲皮生薑汁炙剉蒼朮米泔浸切焙陳橘皮去白焙各壹兩

甘草炙剉乾薑炮參

右五味麤搗篩每服一錢匕水一盞入生薑二片棗
一枚擘煎至五分去滓溫服

治小兒冷痢或下青白或下瘀黑或如凝脂補脾丸方

肉豆蔻炮去殼壹枚爲末

龍骨燒研

乳香研蕪荑人炒研

麝香研各壹錢

右五味同研勻輒飯丸如麻子大每服五七丸陳米

飲下

治小兒冷痢或下青白或下瘀黑或如凝脂草節丸方

烏頭炮裂去皮臍黃連須吳茱萸湯洗焙炒

乾薑焙各壹錢

右四味搗羅爲末醋煮麩糊和丸如黍米大每服七

丸草節湯下

小兒熱痢

論曰小兒挾熱痢此由邪熱在於腸間因胃氣不和乳
食傷動故令腹痛腸鳴下痢黃赤名熱痢

治小兒熱痢下重或下痢如血汁香連丸方

木香

黃連去須各半兩

右二味搗羅為細末醋浸炊餅和丸如菉豆大每服

二十九米飲下不計時候

治小兒赤痢經時不止犀角丸方

犀角鎔屑壹兩壹分

黃連去須壹兩半

女萎壹兩

白頭翁去蘆頭壹兩半

茜根參分

枳殼去黃參分

甘草炙半兩

赤石脂壹兩壹分

黃芩去黑心壹兩

乾藍兩半

檉皮炙參分

龍骨壹兩

黃蘗去麩皮壹兩

右一十三味搗羅為細末鍊蜜和搗五百杵丸如麻子大一三歲兒每服三九三歲至六歲兒可四五丸空心午後各一服米飲下

治小兒卒下熱痢赤石脂湯方

赤石脂兩壹

黃連去須

石膏碎

甘草炙

龍骨

知母焙

前胡去頭

赤茯苓去黑皮

桂去麩皮

芍藥各壹分

右一十味搗篩一二歲兒每半錢匕入棗一枚擘破水七分煎至四分去滓分溫二服空心午後各一

服

治小兒熱毒下痢如魚腦手足壯熱黃連白頭翁湯方

黃連去須
壹兩

白頭翁

醋石榴皮炙

犀角鎔屑各
半兩

右四味麤搗篩一二歲兒每半錢七水七分煎至四

分去滓分溫二服空心午間日晚各一服

治小兒熱痢牡蠣丸方

牡蠣煨

黃連去
須

黃蘗去
皮炙

龍骨

赤石脂

人參

甘草炙各
壹兩

右七味搗羅爲末鍊蜜和搗千餘杵丸如麻子大一

二歲兒每服三九四歲至六歲兒五九米飲下空心

午後各一服

治小兒熱痢不止梔子丸方

梔子人柴
枚

黃蘗去
須皮

白礬熬汁枯
各壹兩

棗大者肆枚
令黑色

右四味搗羅爲細末鍊蜜和丸如麻子大一二歲兒

每服三九三四歲兒每服五九米飲下空心午後各

一服

治小兒熱痢壯熱全不食乳食乳卽吐熊膽散方

熊膽兩半

黃連參須

馬齒莧乾者炒壹兩

無食子煨壹枚

蚺蛇膽兩半

犀角鎊屑壹兩

右六味搗羅為細散一二百日兒每服一字匕新汲水調服空心午後各一服

治小兒熱痢不止黃芩知母湯方

黃芩去黑心

知母焙各壹兩

萎蕤參

黃蘗

去麤皮炙半兩

甘草炙半兩

右五味搗篩一二歲兒每半錢匕水七分煎至四

分去滓分溫二服空心午後各一服

治小兒熱毒痢下膿血羚羊角湯方

羚羊角鎊屑參分

地榆壹兩

吳藍參

黃連

去須壹兩

黃芩去黑心半兩

茜根參

當歸切焙

阿膠炙

赤石脂各壹兩

甘草炙半兩

右一十味搗篩一二歲兒每半錢匕水七分煎至

四分去滓分溫二服空心午後各一服

治小兒熱毒痢下血黃連飲方

黃連

去須兩半壹

白蘘荷根壹兩

犀角鎊屑壹兩

黃芩

去黑心壹兩

白頭翁去頭參分

茜根判壹兩

藍青

乾者參分

甘草炙半兩

右八味麤搗篩一二歲兒每半錢匕水七分煎至四分去滓分溫二服空心午後各一服

治小兒熱痢壯熱多渴而痢烏梅湯方

烏梅肉去核試黃連去須藍葉各半

犀角屑阿膠炙燥甘草炙各半兩

右六味麤搗篩一二歲兒每半錢匕水七分煎至四分去滓分溫二服空心午後各一服

治小兒熱痢黃連湯方

黃連去須黃蘗去鹽皮炙半兩阿膠半兩炙燥

右三味除阿膠外麤搗篩每服半錢匕酒半盞入阿

膠一片同煎至二分去滓空心日午近晚各一服

治小兒熱痢腹中疼痛或血痢黃連湯方

黃連去須山梔子人各半

右二味麤搗篩一二歲兒每半錢匕水七分煎至四分去滓分溫二服空心午後各一服

治小兒赤痢血痢訶梨勒散方

訶梨勒煨去核梔子去殼各

右二味搗羅為細散一二歲兒每服半錢匕米飲調

下空心午後各一服

治小兒久熱痢不下乳三物湯方

大黃生

甘草炙

麥門冬去心焙

右三味麤搗篩每二錢匕水一盞煎至五分去滓分
溫三服空腹量兒大小加減服

小兒赤白痢

論曰小兒痢下赤白由脾胃不和乳食所傷留滯腸中
與津液相搏腸虛則泄故為痢也虛而有熱則赤虛而
有寒則白冷熱不調則赤白相兼膿血雜下故名赤白
痢

治小兒赤白痢腹肚疴痛不思飲食羸瘦赤石脂丸方

赤石脂

白礬燒令
汁盡

訶梨勒皮一泚

白朮

黃耆剉

厚朴去蘊皮生
薑汁炙

醋石榴皮

乾木瓜焙各
半兩

肉豆蔻去殼
壹枚

乾薑炮壹
分

右一十味搗羅為末鍊蜜丸如麻子大每服五丸溫
米飲下空心午後服量兒大小加減

治小兒赤白痢不止當歸丸方

當歸切焙
半兩

黃連須

龍骨

人參各壹
分

無食子炮貳
枚

鹿角燒

豉炒各
分

右七味搗羅為末鍊蜜丸如麻子大每服五丸溫米

飲下空心午後服量兒大小加減

治小兒下痢赤白鹿角丸方

鹿角 鎔

燕蕘人 炒

附子 炮裂去麩皮各壹分

赤石脂 兩半

右四味搗羅為末鍊蜜和丸如麻子大每服五丸溫

米飲下空心日晚各一服量兒大小加減

治小兒赤白痢日夜三五十行白朮湯方

白朮 壹兩分

乾薑 炮壹分

白茯苓 去黑皮

甘草 壹兩各

附子 炮裂去皮臍半兩

右五味搗篩每一錢匕水半盞煎至三分去滓分

溫三服空心食前服量兒大小加減

治小兒赤白痢人參湯方

人參 壹兩

厚朴 去麩皮生薑汁多壹兩

白茯苓 去黑皮

桔梗 細炒各壹兩 樺皮 去麩皮炙貳兩

甘草 炙壹兩兩半

右六味搗篩每服一錢匕水半盞煎至三分去滓

早晨午後服量兒大小加減

治小兒赤白痢腹痛日夜頻數厚朴散方

厚朴 去麩皮生薑汁炙參分

人參 兩

赤石脂

龍骨 各壹兩

地榆

乾薑炮

當歸切焙各半兩

黃連去須壹兩

右八味搗羅爲散每服半錢匕空心米飲調下午後

再服量兒大小加減

治小兒赤白痢日夜數十行腹痛後重犀角湯方

犀角鎊

苦參

黃連去須

地榆

黃蘗去麤皮炙各壹兩

右五味搗篩每一錢匕水半盞煎至三分去滓分

溫二服空心午後服量兒大小加減

治小兒赤白痢久痢成疳黃蘗散方

黃蘗去麤皮炙

黃連去須

桃白皮炙

胡粉炒

白茯苓去黑皮各壹兩丁香壹

右六味搗羅爲散每服半錢匕米飲調下空心午後

服量兒大小加減

治小兒赤白痢挾熱多渴宜服藍葉湯方

藍葉壹分

黃連去須半兩

白茯苓去黑皮壹分

冬瓜子炒半兩

右四味搗篩每一錢匕入蜜少許水一小盞煎至

五分去滓分溫二服空心午後服量兒大小加減

治小兒赤白痢鹿茸散方

鹿茸去皮毛

甘草炙

阿膠勑各半兩

右三味搗羅爲散每服半錢匕食前日三米飲調下
量兒大小加減

治小兒赤白痢黃連散方

黃連須去 檳榔剉

右二味各搗羅爲散如患赤痢黃連末二錢匕檳榔末一錢匕白痢黃連末一錢匕檳榔末二錢匕和勻每服半錢匕米飲調下量兒大小加減

治小兒赤白痢腹內疼痛煩渴木香黃連散方

木香 黃連去須各半兩 訶梨勒炮去核

肉豆蔻去殼 甘草炙半兩

右五味搗羅爲散每服半錢匕米飲調下

治小兒赤白痢及水瀉麝香丸方

麝香研半錢 巴豆染粒去皮水半盞用蛤粉盪匙頭同煮水盡去心膜細研

丹砂研 硫黃各壹分研 草烏頭炮去皮取

砒霜研半錢

右六味搗研爲末用棗肉和丸如黍米大每服一九水瀉并痢秋後蛤粉水下夏至後新汲水下赤白痢生薑湯下更量兒大小以意加減

治小兒赤白痢神捷散方

大棗擘 梔子人伍 乾薑半大

右二味並燒黑色研爲散每服半錢匕米飲調下

治小兒赤白痢方

穀麻子膏兩

右一味搗羅爲散蜜水調下半錢匕食前加減服

治小兒赤白痢龍骨散方

龍骨餅

白石脂研

胡粉炒

白礬枯過各

訶梨勒皮兩

黃連須去

陳橘皮去白

阿膠炙

當歸切焙

人參

厚朴去蠶皮生薑汁炙各壹兩半

右一十一味搗羅爲散每一錢匕空腹煮白粥飲調

下目一

治小兒赤白痢黃連丸方

黃連須去

龍骨

赤石脂

當歸剉炒各

白石脂

烏梅肉炒

黃芩去黑心

右七味搗羅爲末鍊蜜丸如梧桐子大每服五丸空

腹煮白粥飲研下日二服漸加至十九

治小兒赤白痢裏急後重訶梨勒丸方

訶梨勒煨去核

地榆去苗

醋石榴皮炙

高良薑

赤石脂各半

吳茱萸湯洗焙乾炒壹分

黃連去須參分

右七味搗羅爲末鍊蜜和丸如麻子大每服七丸溫米飲下空心午後各一看見大小以意加減

治小兒下痢赤白乳食減少腹痛滿悶中黃散方

定粉

鉛丹貳味藥器內同炒令赤

海螵蛸

龍骨各壹錢

阿梨勒炮去核貳錢

右五味搗羅爲散每服半錢匕紫蘆木瓜湯調下量

兒大小加減服

治小兒赤白痢腹痛黃連湯方

黃連去須壹兩

乾薑炮

艾葉炒各半兩

烏梅肉參枚

右四味咬咀每服二錢匕以水八分一盞煎去滓取

三分空腹溫服

小兒血痢

論曰熱痢不差則變血痢由痢久腸虛熱毒留滯血脈妄行流滲腸間腸虛則泄故爲血痢也

治小兒血痢茜根飲方

茜根剉壹兩

地榆剉參分

馬藟子微炒壹分

黃連須去

黃蘗去麤皮微炙

黃芩去黑心各壹兩半

當歸切焙壹兩

右七味麤搗篩一二歲兒每一錢匕水七分入生薑二片同煎至四分去滓分溫二服空心晚食前各一服更隨兒大小以意加減

治小兒血痢無度黃連湯方

黃連去須壹兩半

艾葉壹分

阿膠炙令燥半兩

豉壹拾粒炒

右四味麤搗篩一二歲兒每一錢匕水七分入葱白二寸并須切同煎至四分去滓分溫二服空心午後各一服量兒大小以意加減

治小兒血痢無度黃連湯方

黃連去須半兩

甘草炙到半兩

黃藥子壹分

吳藍葉壹分

梔子人貳枚

犀角屑壹分

右六味麤搗篩一二歲兒每一錢匕水七分煎至三分去滓分溫二服食前日二隨兒大小以意加減

治小兒瀉血不定樗根湯方

樗根白皮炙香到參分

無食子壹枚

肉豆蔻壹枚

茜根剉半兩

茶末壹分

右五味麤搗篩每一錢匕水七分煎至四分去滓分溫二服早晨晚後各一量身大小加減

治小兒血痢不止麝香散方

麝香壹錢

鹿角屑半兩 炒微焦

亂髮灰半兩

右三味同研為散每服半錢匕粥飲調下日三四服

量兒大小加減

治小兒血痢地榆湯方

地榆剉

黃蘗去麤皮 微炙

黃連須去

黃芩去黑心各 壹兩半

馬蘭子微炙 半兩

茜根剉 壹兩

右六味麝搗篩一二歲兒每一錢匕水半盞入生薑

一片同煎至三分去滓分溫二服食前日再隨兒大

小以意增減

治小兒血痢薤白飲方

薤白拾莖 切

香豉壹合

山梔子人枚

黃連去須 半兩

右四味除香豉薤白外餘麝搗篩一二歲兒每一錢

匕水七分入香豉二七粒薤白一莖切同煎至三分

去滓分溫二服量兒大小增減

治小兒藏府虛滑瀉血腹痛固腸丸方

槐鵝半兩 炒 黃色

肉豆蔻參枚 麩 裹 麩 乾 薑 半兩

枯礬壹分

右四味搗研細為末麩糊為丸如麻子大乳香湯下

一二歲兒每服十九日進二服

治小兒脾毒瀉血蝟皮散方

刺蝟皮剉

陳槐花

白礬

鹿角屑各壹兩

王瓜半兩

右五味同入沙合子內用鹽泥固濟令乾燒令通赤

取出爲細散每服半錢匕入生薑自然汁兩三點用

臘茶清調下

治小兒腸虛腹脹瀉血不止地榆丸方

地榆壹兩

草豆蔻參枚炮黃耆剉壹兩

枳殼炒去瓤半兩

右四味搗羅爲細末麵糊爲丸麻子大一二三歲兒每

服十九草節湯下日三服

治小兒血痢不止胡黃連丸方

胡黃連

黃連去須各半兩

丁香

盧會

五靈脂

乾薑炮

檳榔剉各壹分

木香

麝香研各壹錢

右九味搗研爲末用炊餅丸如麻子大每服三五丸

量兒加減溫米飲下

治小兒血痢犀角飲方

犀角鎊末半兩

梔皮去蘊皮微炙肆兩

右二味麤搗篩一二歲兒每一錢匕水七分煎至四

分去滓分溫二服空心午後各一服量兒大小加減
治小兒毒熱血痢香豉飲方

香豉微炒壹分

梔子伍枚去皮

黃連去須壹分

右三味麤搗篩每一錢七水七分入薤白兩莖切同煎至四分去滓分溫二服空心日晚各一量兒大小

加減

治小兒血痢腹痛減食四肢瘦弱渴不止黃芩丸方

黃芩去黑心

地榆

龍骨

人參

白朮

厚朴去麤皮生薑汁炙剉各壹

西

白茯苓去黑皮

漏蘆去蘆頭各壹兩半

酸石榴皮切炒參分

右九味搗羅為末鍊蜜和丸如菉豆大每服七丸空腹米飲下日二更量兒大小加減服

治小兒熱痢不差血脈妄行變成血痢青橘丸方

青橘皮去白焙

黃連去須等分

右二味搗為末用獾豬膽汁和却入膽內以米泔煮熟取出入麝香少許研勻丸如黍米大每服十五丸

米飲下

治小兒血痢煩躁方

右取藍青汁量兒大小分減服之

小兒膿血痢

論曰小兒膿血痢者由腸胃虛弱冷熱不調寒多則色白或如凝脂與膿兼下熱多則色赤或似梔子汁甚則純下鮮血冷熱交攻膿血雜下治法當分其冷熱疳蟲而治之則無不差

治小兒下痢膿血腸鳴腹痛赤石脂散方

赤石脂

研

龍骨

研

地榆

黃連

去須各青兩

厚朴

去麩皮生薑汁塗炙伍兩

人參

各參

當歸

焙

乾薑

炮裂各半兩

右八味搗羅為散每服半錢匕用米飲調下日二如

要九鍊蜜丸如麻子大乳汁下五丸至七丸空心午後各一服隨兒大小以意加減

治小兒膿血痢石榴皮散方

醋石榴皮

微炒

乾薑

炮

黃連

去須

訶梨勒

煨去核各壹分

右四味搗羅為細散每服半錢匕空心午後各米飲

調下一服隨兒大小以意加減

治小兒下痢膿血腹痛腸鳴乾薑散方

乾薑

炮裂壹分

黃連

去須參分

人參

參

肉豆蔻

去殼壹枚

當歸

剉焙參分

厚朴

去麩皮塗生薑汁炙伍兩

兩半

右六味搗羅為細散每服半錢匕以粥飲調下空心

午後各一服量兒大小加減

治小兒膿血痢肉豆蔻散方

肉豆蔻

貳枚去殼

常歸

焙

蜜陀僧

研

訶梨勒

煨去核

黃連

去須

枳殼

去瓢炒

龍骨

分半

乾薑

地裂

右八味搗羅為散每服半錢匕空心米飲調下隨兒

大小以意加減

治小兒膿血痢黃連丸方

黃連

須去

龍骨

研

黃芩

去黑心

白石脂

研

當歸

焙

赤石脂

研各

烏梅肉

微炒各

右七味先以四味搗羅為細末入研藥和勻鍊蜜丸

如麻子大每服五九空心晚食前米飲下量兒大小

加減

治小兒下痢膿血腹痛虛煩肉豆蔻丸方

肉豆蔻

去殼

木香

訶梨勒

炮去核

蜜陀僧

錢壹

人參

白茯苓

去黑皮

右六味搗羅為細末用燒粟米飯丸如菉豆大每服

七九溫米飲下

治小兒百疳內下痢如魚腦赤白雜痢腹痛多啼乾藍湯方

乾藍葉

升麻

芍藥各壹兩

梔子人肆故

右四味麤搗篩百碎至二百日兒每一錢匕以水半盞入香豉七枚雍白一莖拍破同煎至三分去滓分溫三服食前隨兒大小以意增減

治小兒膿血滯痢當歸黃連湯方

當歸剉碎壹兩

黃連去須參分

梔去蘊皮參分

赤石脂壹兩

人參參分

乾薑炮裂參分

龍骨壹兩

白頭翁參分

甘草炙參分

附子炮裂去皮臍壹兩壹分

右一十味剉如麻豆每一錢匕水七分煎至四分去滓分溫二服空心午後各一服兒大以意加之久冷者去白頭翁加牡蠣三分

治小兒腸澼下膿血白石脂散方

白石脂燒令赤壹分

亂髮燒壹分

甘草炙令赤半兩

右三味搗研為細散每服一字至半錢匕早晨午後各一服米飲調下隨兒大小以意加減

治小兒藏毒久痢下膿血如聖散方

右用好棗一枚去核入鉛丹半錢匕礪砂一皂子大
膩粉抄一錢匕三味細研入在棗內用大麥麩裏焙
灰火燒香熟為度去麩爛研為粉每一枚棗分兩服
煎槐花湯調下二服定

治小兒純痢膿血鮮湯丸方

粉霜

膩粉

丹砂

礪砂各壹錢

白丁香壹錢

乳香半錢

巴豆去皮心半錢
不出油研

右七味研為細末煮棗肉和成劑每服旋丸如粟米

之二
大二九量兒大小加減煎魚鮮湯下次用調胃藥和

治小兒下痢膿血寒熱不除蠟蜜丸方

豉捌拾粒炒
令黃焦

大豆炒令黃香
去皮半兩黃連壹分
去須

巴豆貳拾枚
炒令香出油盡
去皮心麩

羌花壹分
曬炒

消石各壹分

右六味搗羅為細末入鑿蠟一分并鍊蜜和丸如黍
米大一二百日內兒每服二九一二歲兒每服可五
九三四歲兒每服七丸米飲下空心隨兒大小加減
服之

治小兒一切痢疾丹砂丸方

丹砂研半錢

砒霜研半錢

巴豆霜研

硫黃研

麝香研

菴豆粉研各一分

右六味同細研令勻用燒飯為丸如菴豆大每服二丸血痢煎黃芩湯下白痢煎附子湯下疳痢哈粉湯

下

治小兒熱毒痢下膿血羚羊角湯方

羚羊角屑

茜根

吳藍各半分

黃連去

赤石脂炒

地榆

當歸剉炒

阿膠炙燥各兩

黃芩去心

甘草炙各半兩

右一十味蠱搏篩每服二錢匕水一盞煎去滓取五分空腹分溫三服

小兒蠱毒痢

論曰小兒下痢瘀血如雞鴨肝片隨痢而下者蠱毒痢也此由歲時寒暑不調有毒厲之氣中兒腸胃其邪與血氣相搏變而成痢血毒氣盛熱則傷損府藏如中蠱之狀故名蠱毒痢

治小兒蠱毒痢下血體羸黃連飲方

黃連去須壹兩

犀角磨

白蘘荷根

黃芩去黑心

茜根各分

敗鼓皮焦

藍青

甘草炙

白頭翁去蘆頭各半兩

右九味麤搗篩一二百日兒每半錢匕水半盞煎至

三分去滓分溫二服更量兒大小加減

治小兒蠱毒痢下血不止犀角飲方

犀角銹

地脉草各壹兩

右二味麤搗篩一二歲兒每一錢匕小一盞煎至五

分去滓分溫二服更量兒大小加減

治小兒蠱毒血痢地榆飲方

地榆

黃蘗去蘆皮炙

黃連去須

馬薤子炒

黃芩去黑心各參分

蔓菁根洗切半兩

右六味麤搗篩一二歲兒每一錢匕水一盞入生薑

少許煎至五分去滓分溫二服

治小兒蠱毒血痢發甚心神煩悶腹脹不欲飲食犀角

散方

犀角屑參分

白蘘荷根參分

地榆參分微炙

桔梗參分去蘆頭

蘇枋木參分

右五味搗羅為散每服一錢匕水一盞煎至五分去

滓溫服不拘時候量兒分減服

又方

葱白兩參

香豉金參

梔子柴枚

黃連兩壹

右四味搗篩為散每服二錢匕水一盞煎至七分去

滓溫服

治小兒蠱毒血痢犀角檉皮散方

梁州檉皮貳兩半

犀角屑壹兩半

右二味剉篩令勻每服二錢匕水一盞煎至五分去

滓溫服量兒大小以意加減

治小兒蠱毒血痢身體壯熱煩悶升麻散方

升麻

白藜荷根各壹兩犀角錢

芍藥各參分

敗鼓皮貳分

乾藍

甘草各半兩

右七味麤搗篩一二歲小兒每用半錢匕水半盞入

豉七粒煎至三分去滓分溫二服空心午後各一更

量兒大小加減

治小兒蠱毒血痢犀角地榆湯方

犀角錢

地脉草各壹兩

地榆剉參分

右三味麤搗篩一二歲兒每半錢匕水一小盞入蜜

半匙煎至五分去滓分溫二服更量兒大小加減